

صورتك بالماي يرسمها لحساس

خيمة و الايتام. جودك يعباس

ما ينوصف عزمك

صار النهر اسمك

@ @ @ @ @

النهر يعرف شبيهه بالكرم من لمسة ايده

لهسبب من لامس الماي المشرعة قالت اريده

خيمة جنه بهيئة انسان تسري ايتام بوريده

نعجز نفسر منو يكون و عجزت الدنيا تعيده

~

الظما عافك

مو من اوصافك

انتہ لو تعطش تشرب بسالة

انتہ سر للماي

و ظاهراً سقاي

و اللي ما نعرفه نوصفه بمثاله

~

النهر عافه و من طبعه وقاي

و لئہ طبع الماي ما يظما للماي

من عطفك و حلمك

صار النهر اسمك

الوفا غيمة بمطرها ترتوي بيها العقيلة
و غيرتك تحمل شمسها تضوي سفرتها الطويلة
تفتخر ببك البطولة سيف و ما شافت مثيله
و حتى و انتة بلايا جفين غيرة مو دم ال تسيله

~

بقلبك الخوة
تنبض مروة
كربلا صارت حرة بصمودك

بقطعة ايديك
و بسهم عينك
بالدهر يمتد عالم خلودك
~

نعرف الاعمار تتعد بلسنين
و عمرك نحسبه بحبك الى حسين

ماي للظما نرسمك
و صار النهر اسمك

الكرم عاش اعلی اسمك و بیرقك حدد مصيره
انته مو بس تسقي الماي تسقي كل الدنيا غيره
نوصفك ما تعرف شلون مو مجرد اسم و سيرة
منهو مثلك و الامامة توصفك نافذ بصيرة

~

برفعة إيمانك
ارتفع شأنك
رتبتك اعلی من كل لنصار

ثابت بعزمك
التضحية بدمك
و الدهر منك يتعلم ايثار

~

كل اسم ندري مجموعة حروف
و بو الفضل اسمك مجموعة طفوف

سال للعدل دمك
صار النهر اسمك

@@@

توأم الماي اللي يجري و يروي الضامي شرابه
لا ارض نبعت مثيله و مثله ما شافت سحابة
للخيم يجري محنة و عالعدى يكثر صلابة
مرة نهر الكل يحبه و مرة موج الكل يهابه

~

ماي و كل قطرة
تحتوي صبره
تجري بالارواح تروي الشجاعة

الله اختاره
و اودع اسراره
باب الى الحاجات و اعظم شفاعاة

~

افتح ضفافك احنا العطاشى
يل تعز ضيفك و ترده حاشى

بجود تجازي لي يخدمك
صار النهر اسمك

____تمت____

عاطف المالكي 